

虞衡司

鼓鑄 一冊

軍器 一冊

採捕 一冊

雜料 一冊

工部則例



工部則例

虞衡清吏司

鼓鑄



一鼓鑄局錢。順治元年。置工部寶源局。鼓鑄京錢。○康熙二十三年議準。寶源局。每月分二卯鼓鑄。每卯鑄銅五萬斤。每鑄錢萬串。支給匠工物料錢二千二百串有奇。○四十二年議準。每卯鑄銅六萬斤。○五十四年議準。寶源局。每年鑄錢定限三十六卯。每卯需銅三萬六千斤。鉛二萬四千斤。○雍正元年議準。寶源局。加鑄錢

四卯。○四年奏準。寶源局。照寶泉局。於舊例四十卯外。加鑄一卯。○六年奏準。解部潮銅。覈定成色。減價報銷。其錢按照估定成色。分別搭配。如九成銅。以銅六。鉛四。配鑄。銅每百斤。加銅二十斤。九五銅。以銅五。五。鉛四。五。配鑄。每百斤。加銅十斤。○乾隆元年奏準。鑄錢之法。以八成至十成。配為五等。如銅係十成者。以銅鉛各半。九五者。以銅五。五。鉛四。五。九成者。以銅六。鉛四。八五者。以銅六。五。鉛四。五。八成者。以銅七。鉛三。搭配鼓鑄。○四年奏準。寶源局鑄錢。每年應給工

料錢四萬串有奇。嗣後每串折銀一兩。於正。四。七。十。等月。由戶部按季。在扣存兵餉銀內。頒發監督。按數按名分給。○五年議準。改鑄青錢。其銅鉛點錫。照數配合。則銅色正當較準。未便仍照黃錢舊例。應將各省辦解色銅。總以十成覈算。除淨銅。按銅鉛百斤。內用紅銅五十斤。白鉛四十一斤。八兩。黑鉛六斤。八兩。點銅錫二斤。配鑄外。九五銅。向係銅每百斤。加銅十斤。今加五斤。九成銅。向加二十斤。今加十斤。八五。八成。皆照此遞行覈給。其加給銅。即於本銅內動給。亦

係色銅。自宜詳細覈算。每五斤。應加銅各四兩。去鉛四兩。則合配均勻。與改鑄數目畫一。較之從前配數。尚有節省。嗣後解部銅。九成以上者。照定例寬裕折算。應作九五。即以所加之耗銅八斤。加給五斤。合作十成。其加給之銅。每五斤。仍加銅四兩。去鉛四兩。給發鼓鑄。每百斤。應節省二斤十二兩。寶源局。見存庫銅二十四萬九千三百餘斤。內除十成銅外。其九五。九成。八成。八成。可節省銅七千餘斤。歸入正項增鑄。再雲南解京銅五百七十餘萬斤。內交寶源局。百九

十餘萬斤。以每百斤。節省二斤十二兩覈算。約節省銅五萬餘斤。年終將節省確數。入於新收項下。搭配鼓鑄。使青錢不致高下撓雜。○六年奏準。將雲南應解寶源局。加運銅五十六萬八千餘斤。加鑄二十卯。得錢十有一萬三千餘串。○又奏準。寶源局工價。仍令爐頭領錢。照市價易銀。給發匠人。○十年議準。寶泉局。乾隆十年。額鑄錢六十九萬餘串。係留放兵餉之用。寶源局。額鑄錢三十四萬五千餘串。除各工應用錢六萬串。餘錢二十八萬五千四百餘串。為數無

多。請將寶源寶泉二局。於本年額鑄外。帶鑄五  
卯。加鑄二十二卯。共可得錢四十五萬八千六  
百三十串有奇。流通民間。以平錢價。○十六年  
奏準。寶源局歲收雲南銅。二百有五萬餘斤。除  
每年額鑄六十一卯。用銅百六十九萬餘斤。存  
銅三十五萬餘斤。黑白鉛錫。亦有餘剩。見在庫  
存銅錫鉛等項。本年額鑄之外。約共存二百七  
十餘萬斤。應請照戶部例。每年加鑄十卯。需用  
銅二十七萬七千餘斤。白鉛十有九萬二千餘  
斤。黑鉛三萬三千餘斤。錫一萬餘斤。每年可得

淨錢五萬六千六百餘串。以利民用。

一管理鼓鑄。順治初年。設滿漢監督官三人。專  
司出納。○十七年題準。差滿漢司官各一人。筆  
帖式一人。一年更代。○康熙十五年題準。不論  
滿漢。止差司官一人。筆帖式一人。○二十七年  
覆準。仍差滿漢司官各一人。筆帖式一人。一年  
更代。○四十四年題準。寶源局監督。由部保舉  
滿漢才能司官。引

見補用。三年更代。○五十三年覆準。嗣後錢法。率以  
正月為始。年終為止。次年五月奏銷。不計閏。滿

漢監督於奏銷後更換銅不交完。責在商人。卯  
不足數。責在監督。或商人限內解銅甚少。逾限  
始解足者。卯數不足。咎不在監督。統於奏銷疏  
內。聲明完欠。照各省州縣徵收正項錢糧未完  
分數之例。交吏部議處。其監督有升遷事故離  
任者。接任官以六月為準。不足六月。再接一年。  
多於六月者。即於奏銷後報滿更代。○雍正元  
年題準。滿漢監督仍一年更代。○七年奏準。寶  
源局僅有筆帖式一人。局吏數人。管理局事。並  
未設有大使。應照寶泉局例。設立大使二人。於

本部筆帖式內簡選補授。○乾隆十一年奏準。  
寶源局大使請照刑部司獄定例。年滿回部。在  
額外筆帖式上行走。遇有本部及各該旗筆帖  
式員闕。照例移咨吏部。陸續坐補。嗣後補用大  
使之筆帖式員闕。亦毋庸別選。俟五年期滿後。  
仍回原任候升。○十二年奏準。寶泉寶源兩局。  
大概畫一。惟寶源局尚未給有印信。不無互異。  
請鑄給工部督理京省錢法字樣關防。以專責  
成。○又奏準。寶泉寶源二局監督。嗣後每年新  
舊滿漢互相更代。

一出錢。順治初年定寶源局鼓鑄制錢。按卯報部。運赴節慎庫驗收。以備給發各工之用。○雍正元年議準。戶部給發兵餉。每月約放銀三十四五萬兩不等。銀八錢二搭放。每次約需錢七萬串。每年兩月搭放一次。共需錢四十二萬串有奇。除寶泉局歲鑄交庫錢四十萬五千百六十八串。盡數搭放。尚少制錢萬五千餘串。應將寶源局給發工匠餘剩制錢。每年咨取二萬串。增放兵餉。戶部二八月對搭制錢放餉之例。改爲每兩月銀八錢二搭放一次。○又奏準。部存

額定銅鉛。即著寶源局如數鑄錢。可得二十一萬百九十餘串。除留給匠役工價。萬一百九十串。餘錢二十萬串。移送戶部。爲每年春秋二季給發兵餉之用。○四年議準。本部每年留錢萬餘串。實不敷用。嗣後每年二八月。只交戶部二萬串。配給兵餉。其餘仍留工部支用。○五年議準。寶源局歲鑄錢二十餘萬串。計應支工價。每年存留十萬串。以備各工取用。若本年有餘剩之錢。留足次年十萬串之數。其餘全交戶部。搭放兵餉。倘遇大工。需錢至十萬串。不能足用者。

別行奏請。○十二年議準。從前鼓鑄制錢。重一錢四分。寶泉局。每卯用銅鉛十有二萬斤。得錢萬二千四百八十串。寶源局。每卯用銅鉛六萬斤。得錢六千二百四十串。今制錢改鑄一錢二分。每卯兩局共節省銅鉛二萬五千七百十有四斤有奇。其煤罐等物價值。自應一例裁減。寶泉局。歲減物料錢六千五十一串五百五十九文。按卯解戶部搭放兵餉。寶源局。歲減物料錢二千七百三十串五百六十三文。解交節慎庫支用。○乾隆三年議準。錢價昂貴。照米廠例。設

立官錢局。將節慎庫餘錢八萬串。於京城內外。設局十處。委官分任。其錢局房屋。及局內需用天平。法馬等物。由部咨取。○十年議準。京師錢價昂貴。撥運官局錢。不敷接濟。應將寶泉寶源二局。於本年額鑄六十一卯之外。各帶鑄五卯。加鑄二十二卯。并工部見在餘錢二十八萬五千四百餘串。共可得錢七十三萬八千六百三十串。增給錢局。發市易銀。令官局官員。照數交納戶部。○十九年奏準。寶源局額鑄卯錢。每年除給發各工工價。及戶部搭放兵餉外。約餘錢



六七萬串不等。見存庫錢三十七萬串有奇。加以每年新收額鑄。積貯日多。與其久貯庫中。不若隨時支放。庶免壅滯。戶部搭放兵餉。每月二成。約需錢七萬餘串。戶部用至五萬餘串。本部僅用二萬串。為數過少。嗣後工部制錢。搭放兵餉。以三萬串為率。再見在興修

先農壇。

皇城牆等工。一應匠夫工價。皆赴戶部領銀。給匠換錢使用。不若將本部餘錢。令承辦官。按時價。陸續赴部支領應用。其戶部工價銀。毋庸支給。

一辦銅鉛。順治二年定。差本部司官一人。專督辦買商銅。○九年題準。動支荊州。蕪湖。龍江。杭關。稅銀各二萬兩。以五分買銅。五分買鐵。解部備用。○十七年題準。動支蕪湖。龍江。荊州。杭關。蘆政。五差額稅辦銅。總計全局鼓鑄。每年需銅百八十萬斤。各關辦九十萬斤。部辦九十萬斤。○康熙元年題準。停止部內辦銅。○二年定。令部商收買鑿錢。暫停各關辦銅。將額銀解部。○三年題準。蘆課歸并戶部。令蕪湖。龍江。二關。各辦銅二十九萬二千三百七斤有奇。杭關辦銅

七萬三千五百斤。荆關辦銅六萬一千五百三十八斤有奇。○十三年題準。各關銅辦解一半。○二十一年覆準。各關銅照舊全解。○二十三年議準。寶源局每年需銅百二十萬斤。除蕪湖龍江。杭關。荆關。見辦解七十一萬九千六百五十四斤。尚少銅四十八萬三百四十六斤。照部定銅價。每斤六分五釐。動支江寧撫屬蘆課銀萬一千五十兩。辦銅十有七萬斤。安徽撫屬蘆課銀三千九百兩。辦銅六萬斤。湖廣蘆課銀六百五十兩。辦銅萬斤。江西蘆課銀六百二十兩。

七錢五分。辦銅九千五百五十斤。浙墅關。稅銀六千一百七十五兩。辦銅九萬五千斤。蕪湖。贛關。各稅銀千九百五十兩。各辦銅三萬斤。湖口關。稅銀九百一十兩。辦銅萬四千斤。太平關。稅銀二千六百兩。辦銅四萬斤。鳳陽關。稅銀千四百十有六兩七錢四分。辦銅二萬一千七百九十六斤。照例解部。○三十九年議準。蕪湖。浙墅。荆關。太平橋。鳳陽。湖口。等關銅。令商人承辦。○四十二年議準。兩浙鹽差。辦銅二十五萬斤。令商人承辦。○四十四年議準。福建。廣東。鹽差。各

辦銅十有三萬斤。福建海關十萬斤。廣東海關  
 七萬五千斤。江南海關五萬斤。浙江海關七萬  
 斤。兩浙鹽羨增辦銅十有五萬斤。均令商人承  
 辦。○五十一年議準。龍江。西新。杭關。贛關。銅均  
 令商人承辦。○五十二年定增兩浙鹽羨。銅二  
 十萬斤。福建鹽羨。銅六萬斤。廣東鹽羨。銅十萬  
 斤。并江蘇。安徽。湖廣。蘆課銅。均令商辦。共解寶  
 源局銅二百五十二萬斤。○五十三年覆準。奏  
 銷各商所辦銅鉛額數。以十分為率。未完不及  
 二分者。免其處分。限一年完足。未完二分至五

分以上者。交該衙門照分數分別治罪。未完六  
 分以上者。照侵欺錢糧例。從重治罪。均限一年  
 內。照欠補完。不能補完者。變產追賠。○五十四  
 年議準。寶源局。每年共需銅鉛二百十有六萬  
 斤。停止商辦。令江蘇。安徽。江西。福建。浙江。湖南  
 湖北。廣東。八省。動支正項錢糧。每省辦紅銅十  
 有八萬八千九百七十六斤十有三兩有奇。共  
 解寶源局銅百五十一萬千八百十有四斤八  
 兩四錢。每銅一斤。價銀一錢二分五釐。又商領  
 戶部錢糧。辦解寶源局倭鉛百萬七千八百七

十六斤五兩六錢。每鉛一斤。價銀六分二釐五毫。凡銅鉛水脚。每斤銀五分。實給三分。節省二分。解交戶部。○五十七年覆準。銅價日貴。將節省水脚銀。增入額銅價內。每斤價銀一錢四分五釐。○六十年議準。八省銅。歸并江浙二省辦解。江南辦五省。共解寶源局銅。九十四萬四千八百八十四斤。浙江辦三省。共解寶源局銅。五十六萬六千九百三十斤。各有奇。○雍正二年覆準。江南所辦五省銅。分出二省。交與福建廣東承辦。江南辦寶源局銅。五十六萬六千九百

三十斤。福建廣東各辦銅十萬八千九百七十六斤。各有奇。○又議準。浙江所辦三省銅。分出二省。交與湖北湖南承辦。每省辦寶源局

銅十萬八千九百七十六斤有奇。○十一年議準。江蘇等八省。上下兩運額解之銅。均照部頒法馬。每省鑄給四副。兌收兌解。并將所頒法馬。令領運官齎領至部。局官收銅時。將帶至法馬。與局存法馬較準合一。然後兌收。至雲南省。亦應鑄給法馬二副。各省赴滇買銅。照此收買。○十二年議準。京局鼓鑄。每年額辦鉛三百

六十六萬餘斤。令貴州巡撫於雍正十三年為始。選官採買。分解戶工二局。商辦之鉛。停其採辦。再湖南郴州。桂陽州。每年抽稅鉛。向附商人額鉛解部。今商辦既停。應令該撫委官運解。○乾隆三年議準。江蘇等省。停辦洋銅。各委官齎價。赴雲南採買解京。如雲南銅不敷。仍令江浙海關買補。第各省委官採買。長途萬里。呼應不靈。應令雲南管廠大員。委官押運來京。但該省地方各官。不便盡行差委。令該督撫酌定員數。具題交部於候補候選府州佐貳等官。簡發該

省。差委押運。○又奏準。令雲南督撫將本年應辦銅。先委該省見任官。作速運解。以副次年鼓鑄之用。仍令吏部。即於候補候選佐貳等官內。先行簡發十數人。星馳往滇。將解銅員闕。令其委署。俟解官回任。更代押運。○又議準。雲南運京銅。應將原頒法馬。以一副留省秤發。一副給駐劄張灣轉運交部之官。俟運官解銅到日。即照部頒法馬秤收。仍於轉解京局時。齎原給部頒法馬。赴部較準兌收。其自張灣轉運。已携法馬赴部後。有雲南銅。陸續解到。無憑較準秤收。

應照依原頒法馬。別鑄一副。頒發應用。○五年  
議準。京局改鑄青錢。應需黑鉛五十萬斤。令貴  
州總督。於柞子等廠收買。分解兩局。每年減辦  
白鉛五十六萬斤。至點銅錫十有五萬斤。令廣  
東巡撫辦解。○十年題準。廣東採買洋錫。應解  
寶源局七萬五百七十一斤。每百斤給銀十有  
三兩五錢。買運供鑄。○十四年題準。貴州黑鉛  
出產稀少。應改歸湖南辦解。每年額運寶源局  
鉛十有一萬六千七百六十一斤十有三兩有  
奇。仍分上下兩運解京。

